

0.0.1 āsavasuttaṃ

0. sāvattthinidānaṃ

1. chahi bhikkhave dhammehi samannāgato bhikkhu āhuneyyo hoti pāhuneyyo dakkhiṇeyyo añjalikaraṇiyo anuttaraṃ puññakkhettaṃ lokassa. katamehi chahī?

2. idha bhikkhave bhikkhūno ye āsavā saṃvarā pahātabbā, te āsavā saṃvarena pahīnā honti. ye āsavā paṭisevanā pahātabbā, te āsavā paṭisevanāya pahīnā honti. ye āsavā adhivāsanā pahātabbā, te āsavā adhi-vāsanāya pahīnā honti. ye āsavā parivajjanā pahātabbā, te āsavā parivajjanāya pahīnā honti. ye āsavā vinodanā pahātabbā, te āsavā vinodanāya pahīnā honti. ye āsavā bhāvanā pahātabbā, te āsavā bhāvanāya pahīnā honti.

3. katame ca bhikkhave āsavā saṃvarā pahātabbā ye saṃvarena pahīnā honti? idha bhikkhave bhikkhū paṭisaṅkhā yoniso cakkhūndriya saṃvara saṃvuto viharati. yaṃ hissa bhikkhave cakkhūndriya saṃvaraṃ asaṃvutassa viharato uppajjeyyumaṃ āsavā vighātapa-rilābhā, cakkhūndriyasamvara saṃvutassa¹ viharato evaṃsa te āsavā vighātapa-rilābhā na honti.

4. paṭisaṅkhā yoniso sotindriya saṃvara saṃvuto viharati. yaṃ hissa bhikkhave sotindriya saṃvaraṃ asaṃ-

¹cakkhundriya saṃvaraṃ - machasaṃ.

utassa viharato uppajjeyyum āsavā vighātapariḷāhā sotindriya saṃvara saṃvutassa viharato evaṃsa te āsavā vighātapariḷāhā na honti.

5. paṭisaṅkā yoniso ghānindriya saṃvara saṃvuto viharati, yaṃ hissa bhikkhave ghānindriya saṃvaram asaṃvutassa viharato uppajjeyyum āsavā vighātapariḷāhā, ghānindriya saṃvara saṃvutassa viharato evaṃsa te āsavā vighātapariḷāhā na honti.

6. paṭisaṅkā yoniso jivhindriya saṃvara saṃvuto viharati. yaṃ hissa bhikkhave jivhindriya saṃvaram asaṃvutassa viharato uppajjeyyum āsavā vighātapariḷāhā, jivhindriya saṃvara saṃvutassa viharato evaṃsa te āsavā vighātapariḷāhā na honti.

7. paṭisaṅkhā yoniso kāyindriya saṃvara saṃvuto viharati. yaṃ hissa bhikkhave kāyindriya saṃvara asaṃvutassa viharato uppajjeyyum āsavā vighātapariḷāhā, kāyindriya saṃvara saṃvutassa viharato evaṃsa te āsavā vighātapariḷāhā na honti.

8. paṭisaṅkhā yoniso manindriya saṃvara saṃvuto viharati. yaṃ bhissa bhikkhave manindriya saṃvara asaṃvutassa viharato uppajjeyyum āsavā vighātapariḷāhā, manindriya saṃvara saṃvutassa viharato evaṃsa te āsavā vighātapariḷāhā na honti.

9. yaṃ hissa bhikkhave saṃvaram asaṃvutassa viharato uppajjeyyūṃ āsavā vighātapaṇiḥhā, saṃvaram saṃvutassa viharato evaṃsa te āsavā vighātapaṇiḥhā na honti. ime vuccanti bhikkhave āsavā saṃvarā pahātabbā yesaṃvarena pahīnā honti.

10. katame ca bhikkhave āsavā paṭisevanā pahātabbā ye paṭisevanāya pahīnā honti? idha bhikkhave bhikkhū paṭisaṅkhā yoniso cīvaram paṭisevati: yāvadeva sītassa paṭighātāya, uṇhassa paṭighātāya, ḍaṃsamasakavātātapasiriṃsapasamphassānaṃ² paṭighātāya, yāvadeva hirikopina paṭicchādanattham

11. paṭisaṅkhā yoniso piṇḍapātaṃ paṭisevati: neva davāya, na madāya, na maṇḍanāya, na vibhūsanāya, yāvadeva imassa kāyassa ṭhitiyā yāpanāya vihimsūparatiyā, brahmacariyānuggahāya. iti pūrāṇaṃca vedanaṃ paṭihaṅkhāmi, navaṇca vedanaṃ na uppādesāmi. yātrāva me bhavissati anavajjatā ca phāsuvihāro cāti.

12. paṭisaṅkhā yoniso senāsanam paṭisevati: yāvadeva sītassa paṭighātāya, uṇhassa paṭighātāya, ḍaṃsamasakavātātapasiriṃsapasamphassānaṃ paṭighātāya, yāvadeva utuparissaya vinodanam paṭisallānārāmattham

13. paṭisaṅkhā yoniso gilānapaccayabhesajjaparikkhāram paṭisevati: yāvadeva uppannānaṃ veyyābādhikā-

²sarisapasamphassānaṃ - machasaṃ.

naṃ vedanānaṃ paṭighātāya, abyāpajjhaparamatāyāti.

14. yaṃ hissa bhikkhave appaṭisevato³ uppajjeyyūṃ āsavā vighāta pariḷāhā, paṭisevato⁴ evaṃsa te āsavā vighātapaṛiḷāhā na honti. ime vuccanti bhikkhave āsavā paṭisevanā pahātabbā ye paṭisevanāya pahīnā honti.

15. katame ca bhikkhave āsavā adbhivāsanaṃ pahātabbā ye adbhivāsanaṃ pavinaṃ honti: idha bhikkhave bhikkhu paṭisaṅkhā yoniso khamo hoti sītassa uṇhassa jighacchāya pipāsāya ḍaṃsamakasavātātapasirimsapasamphassānaṃ, duruttānaṃ durāgatānaṃ vacanapathānaṃ, uppannānaṃ sārīrikānaṃ vedanā naṃ dukkhānaṃ tippānaṃ⁵ kharānaṃ kaṭukānaṃ asātānaṃ anāpānaṃ, paṇaharānaṃ adbhivāsakajātiko hoti. yaṃ hissa bhikkhave anadbhivāsayaṃ. uppajjeyyūṃ āsavā vighātapaṛiḷāhā, adbhivāsayaṃ⁶ evaṃsa te āsavā vighātapaṛiḷāhā na honti. ime vuccanti bhikkhave āsavā adbhivāsanaṃ pahātabbā ye adbhivāsanaṃ⁷ pavinaṃ honti.

16. katame ca bhikkhave āsavā parivajjanaṃ pahātabbā ye parivajjanaṃ pahīnā honti: idha bhikkhave bhikkhū paṭisaṅkhā yoniso caṇḍaṃ hatthiṃ parivajjeti. caṇḍaṃ assaṃ parivajjeti. caṇḍaṃ goṇaṃ parivajjeti. caṇḍaṃ kukkuraṃ parivajjeti ahiṃ khāṇuṃ kaṇṭakādhā-

³appaṭisevayato - sīmu.

⁴paṭisevayato - sīmu.

⁵tippānaṃ - machasaṃ.

⁶adbhivāsato - machasaṃ.

⁷adbhivāsanaṃ - machasaṃ.

naṃ⁸ sobbhaṃ papātaṃ candanikaṃ oligallaṃ. ya-
thārūpe anāsane nisinnaṃ, yathārūpe agocare caran-
taṃ, yathārūpe pāpake mitte bhajantaṃ, viññū sabra-
hmacārī pāpakesu ṭhānesu okappeyyuṃ, so taṃ ceva
anāsaṇaṃ taṃ ca⁹ agocaraṃ te ca pāpake mitte paṭi-
saṅkhā yoniso parivajjeti. yaṃ hissa bhikkhave apa-
rivajjayato uppajjayato uppajjeyyuṃ āsavā vighāta-
pariḷāhā, parivajjayato evaṃsa te āsavā vighātapariḷāhā
na honti. ime vuccanti bhikkhave āsavā parivajjanā
pahātabba, ye parivajjanāya pahīnā honti.

17. katame ca bhikkhave āsavā vinodanā pahātabbā
ye vinodanāya pahīnā honti. idha bhikkhave bhikkhū
paṭisaṅkhā yoniso uppannaṃ kāmavitakkaṃ, nādhivā-
seti, pajahati vinodeti byāntikaroti anabhāvaṃ ga-
meti.

18. paṭisaṅkhā yoniso uppannaṃ byāpādavitaṃ
nādhivāseti, pajahati vinodeti byāntikaroti anabhāvaṃ
gameti.

19. paṭisaṅkhā yoniso uppannaṃ vihiṃsāvikkāṃ, nā-
dhivāseti, pajahati vinodeti byāntikaroti anabhāvaṃ
gameti

20. paṭisaṅkhā yoniso uppannuppanne pāpake aku-
sale dhamme nādhivāseti pajahati vinodeti, byāntika-

⁸naṇṭakattāṇaṃ - machasaṃ.

⁹sotaṃca anāsaṇaṃ - machasaṃ.

roti, anabhāvaṃ gameti. yaṃ hissa bhikkhave avinodayato uppajjeyyūṃ āsavā vighātapariḷhā vinodayato evaṃsa te āsavā vighātapariḷhā na honti. ime vuccanti bhikkhave āsavā vinodanā pahātabbā ye vinodanāya pahīnā vonti.

21. katame ca bhikkhave āsavā bhāvanāya pahātabbā ye bhāvanāya pahīnā honti: idha bhikkhave bhikkhū paṭisaṅkhā yoniso satisambojjhaṅgaṃ bhāveti vivekanissitaṃ virāganissitaṃ nirodhanissitaṃ vossaggaparināmiṃ.

22. paṭisaṅkhā yoniso sammavicayasambojjhaṅgaṃ bhāveti vivekanissitaṃ virāganissitaṃ nirodhanissitaṃ vossaggaparināmiṃ.

23. paṭisaṅkhā yoniso vīriyasambojjhaṅgaṃ bhāveti vivekanissitaṃ virāganissitaṃ nirodhanissitaṃ vossaggaparināmiṃ.

24. paṭisaṅkhā yoniso pītisambojjhaṅgaṃ bhāveti vivekanissitaṃ virāganissitaṃ nirodhanissitaṃ vossaggaparināmiṃ.

25. paṭisaṅkhā yoniso passaddhisambojjhaṅgaṃ bhāveti vivekanissitaṃ virāganissitaṃ nirodhanissitaṃ vossaggaparināmiṃ.

26. paṭisaṅkhā yoniso samādhisambojjhaṅgaṃ bhāveti vivekanissitaṃ virāganissitaṃ nirodhanissitaṃ vos-saggaparināmiṃ.

27. paṭisaṅkhā yoniso upekkhāsambojjhaṅgaṃ bhāveti vivekanissitaṃ virāganissitaṃ nirodhanissitaṃ vos-saggaparināmiṃ.

28. yaṃ hissa bhikkhave abhāvayato uppajjeyyūṃ āsavā vighātapariḷāhā bhāvayato evaṃsa te āsavā vighātaparisāhā na honti. ime vuccanti bhikkhave āsavā bhāvanā pahātabbā ye bhāvanāya pahīnā honti.

29. imehi kho bhikkhave chahi dhammehi samannāgato bhikkhu āhuneyyo hoti pāhuneyyo dakkhiṇeyyo añjalikaraṇīyo anuttaraṃ puññakkhettaṃ lokassāti.